

宋

會

要

宋會要 親決獄

太祖乾德四年八月二十四日帝御講武殿親錄開封府繫囚會宥者數十人 太宗太平興國七年五月十六日西密務役夫夏遇醉毆傷隊長楊彥進召至便殿帝親問狀彥進具狀指揮使牛鶚素嫉遇因巧誣之帝怒斬彥進流鶚海島擢遇十將仍賜束帛銀帶 先是內園吏高進誣告役夫朱希惡迹帝召問狀乃進嘗求賂於希希不與誣之也帝怒杖進脊流海島希為庶人至是宰相以帝親決獄察見隱微相率賀仍請以其事付史館從之九年二月十三日詔曰著作佐郎龍士元告其姪小喜之獄罪既具將加刑朕疑其有姦因令有

司再窮問果得士元姦狀方今撫育黎元欽恤刑憲豈容照臨之下尚有冤枉之人黷亂政經損傷和氣望其安治其可得乎應兩京及諸道州府凡有鞠獄宜令盡心無致枉撓先是士元居於單州其兄士安卒十餘年子小喜承其父業士元貪利欲奪之乃誣告小喜無賴好捕博將加罪斥去之士元嘗笞撻小喜喧呼其母因驚而死知州劉察通判田贇嘗爲士元所召飲宴故爲具獄書奏既引對帝覽之疑小喜被誣付御史臺鞠之果得實狀士元決杖配商州衙前禁錮察贇俱免官家財仍令中分乃下是詔十五日御崇政殿引見諸軍人負罪被鉗者釋之先是去年冬有盜數人夜入人家

劫取財物經時不獲帝欲必得之令厚其貲賞果有告者乃軍卒數人缺結約原缺而出同行劫盜後盡獲其黨而戮之缺軍中累有罪罰亮惡無賴者原缺

不忍悉誅遂以鐵鉗其頸羈於本軍至是盡釋之仍各賜錢三十文舊日缺受缺六月二十六日開

封寡婦劉有姦狀恐事露憂悸成疾復懼其子陳告遂令侍婢詐稱其子王元吉寘毒食中缺疾但未死事下右軍巡按之未得實狀移左軍巡推典受劉賂治元吉元吉自誣相次劉以疾死及本府引問元吉始以實對府中徒繫數月不能決又移司錄司盡捕兩軍巡元推胥吏按問之稍見誣講之跡府中以追捕者衆列

狀引見帝以元吉藥母事狀暗昧令免死決徒開封府將杖之元吉大呼曰元吉苟受刑府中官吏豈得了乎湏盡還元吉所用貨賂府中不敢決因問行賂之狀元吉歷指之遂具詞款上言元吉復令妻張媿登聞鼓帝覽之臨軒顧問悉見其寃狀亟令中使收捕元推官吏送御史臺再鞠之至是獄具引見推官張雍左右軍巡判官韓昭裔宋廷照並奪一官勒停左右軍巡使殿直龐則王業並降充殿前承旨又博州博平令楊處仁嘗增改劉氏詞狀亦追一官鑿人陳上良誑稱之吉嘗用解毒藥曹司孫節受賂並杖脊配沙門島司吏以依理一推鞠等第給賞又賜元吉妻張氏帛十疋先是元

吉繫 軍巡為獄吏繫縛謂之鼠彈箠榜治脩諸慘毒
不勝其苦至是帝復令縛獄吏以其法償之吏死轉號
叫唯求速死帝曰汝猶不度缺 人能勝之乎及解

其縛兩手不能舉良久方復帝謂宰相曰刑獄有如此
慘酷京城尚如此况僻遠乎遂以諫議大夫辛仲原缺
劉保勲知開封府保勲泊判官李繼缺各奪一季俸缺
雍熙二年十月一日御崇政殿引問御史臺開封府禁
囚數百人據罪狀輕重踈決之 既罷謂宰臣朕錄囚
徒殊不覺勞但座少時耳如中外臣僚皆留心政務天
下安有不治者古人宰一邑治一郡或致飛蝗避境猛
虎渡江況人君能惠養黎庶伸治寬滯豈不感召和氣

乎宋琪等對曰陛下勤勞致治蒼生之幸也 端拱二年五月十九日以旱御崇政殿錄在京諸司繫囚多所寬宥分命常參官四十二人決天下獄時自季春不雨帝乃臨軒親決庶獄是夜雨足 淳化三年六月十六日以暑甚御崇政殿錄在京諸司繫囚數百人流罪以下悉與原赦 七月二十五日御崇政殿錄在京諸司繫囚流罪以下悉從原宥尋敕諸路見禁囚除四殺官典犯正枉法贓外餘死罪降從流流已下遞減一等杖已下釋之 五年正月十三日以春和在候閱其幽繫御崇政殿錄在京諸司繫囚流已下悉從原宥帝謂宰相曰古人立法非欲察蓋欲親善遠罪者觀之以爲鑒

誠耳既犯刑憲繫牢獄者有司宜盡心聽斷無有壅滯
斯為供職矣 四月十日御崇政殿錄在京諸司繫囚
流罪已下悉從原放帝以炎月決獄雍滯詔勅知開封
府張宏已下及宏請罪復釋之 至道元年二月十二
日入京畿闕兩御崇政殿錄在京諸司繫囚流已下悉
原減其毀傷支體干人命者聽從法隱設及逋欠者理
納償官餘罪皆從輕重非故犯者悉原之殿中丞常顯
信以前知兗州日坐事為通判李延所訟出為團練副
使大理評事林俟隱漏前任賊罪除名配商州衙前大
理評事宋克正前知考城縣擅出官倉斛斗入已貸死
除名配商州衙前帝又謂左右曰外州刑獄多有淹繫

蓋官吏不能躬親科斷朕今頃刻間悉與踈理又何難哉乃諭開封府判官楊徽之已下應犯杖罪即躬親區處不得更付所司 四月二十日御崇政殿錄在京諸司繫囚除十惡四殺官典犯賊損散官物外自大辟罪以下並與原減 大理寺丞魏霽坐劾事河陰與官吏宴飲特免見任侍御史張利涉益州為政浚急泊盜攻劍門亦以此為言帝詰其致寇之由利涉不能對遣出具款來上帝以三司別有繫囚多委左右軍巡院動淹時月不速斷囚詔自今三司屢更可下兩軍巡只令本部判官當廳推鞠 真宗咸平元年二月六日帝御崇政殿錄在京諸司繫囚並減等情理可恕者並釋之以詔

西京乃諸路繫囚限勅到日長史盡時決斷如有寃濫
即與申理限三日內具畢聞奏追證未圓候對款者亦
速為結絕老幼疾患不任科責者流徒罪準律收罰杖
已下釋之時以彗星見也三年二月二十日以京畿關
兩御崇政殿錄在京諸司繫囚多所原宥四年二月
十一日以京畿關兩御崇政殿錄在京諸司繫囚死罪
者詳覆之餘悉從輕杖已下釋之七月十九日御便
殿引見三司軍將趙永昌臨訊之永昌凶狠無行督運
江南所為多不法知饒州韓昌齡廉其贓狀及違禁事
移於轉運司馮亮坐決杖停職遂槌登聞鼓訟昌齡與
亮訕謗朝政仍偽為印作亮等求解之狀詔下御史臺

鞠問帝察其詐引見召前饒州錄事楊傑證其事永昌
屈伏遂斬之釋亮不問而昌齡以酒過貶鄂州團練副
使 六年十一月一日以萬安太后疾御崇政殿錄在
京諸司繫囚徒已上遞減一等杖已下並釋之 景德
二年四月二十三日令軍頭司自今引見罪人召法官
先定刑名 時本司言開封府獄囚當引見不坐格律
請再送引見司定斷帝慮其稽遲故有是詔 三年四
月十五日命樞密直學士劉琮西上閣門使李允則工
部侍郎董儼龍圖閣待制戚綸宮苑使劉承圭知制誥
朱巽龍圖閣待制陳彭年東上閣門使曹利用分詣三
司御史臺開封府殿前侍衛馬步軍司編叙繫囚翌日

帝御崇政殿臨決之雜犯死罪降流流徙遞降杖笞釋之時御史臺引都官貲外郎竇誼前知京兆府長安縣坐苛刻劾罪帝親民之官不循理道酷用刑罰宜擯弃也遂令分司西京除殺人者論如律餘罪遞降釋之日肝既罷復令軍頭司引見司覆奏所決刑名審視訖乃命施行自是每歲暑熱皆遣官徧排親臨疎放遂為定制四年閏五月二十七日御崇政殿錄在京諸司繫囚多所原減 大中祥符元年五月十七日御崇政殿錄在京諸司繫囚流已下遞減一等笞杖釋原之 二年五月十二日御崇政殿錄在京諸司繫囚死罪從流流徙徒從杖其下並釋之殺人者依法民有戶絕而妻

鬻產適他族者至是事發而估錢已費用有司議準法
產業當沒官帝令以產業給見主納估錢者存之 三
年五月十七日御崇政殿錄在京諸司繫囚唯彊盜準
法餘死罪降從流流徒並降從杖流仍配隸杖已下釋
之凡五百五十九人 四年五月十四日御崇政殿錄
在京諸司繫囚殺人者死自餘死及徒流遞減一等杖
已下釋之 五年五月十三日六年五月一日八年五
月十四日天禧三年五月十五日四年六月九日並同
此制七年正月十四日御崇政殿錄在京諸司繫囚多
所原減以車駕行幸故 五月二十二日御崇政殿
錄在京諸司繫囚死罪至徒流遞減杖已下釋之 賊

吏董瑩配曰外牢城永不與官前一日編排外至日又遣中使以罪目二卷付宰臣王旦等令與知開封府王等再祥審訖施行 天禧元年五月十三日御崇政殿錄在京諸司繫囚死罪情理輕者流海島徒流遞減一等杖已下釋之 五年五月一日御崇政殿錄在京諸司繫囚死罪降從流流從杖已下釋之 乾興元年五月七日仁宗即位未改元帝御崇政殿錄在京諸司繫囚各從原降 仁宗天聖元年三月九日御崇政殿錄在京諸司繫囚既原減訖又出軍頭司所錄刑名示中書樞密院再令看祥始付外施行 二年五月九日御崇政殿錄在京諸司繫囚雜犯死罪已下遞減一等杖已

下釋之 三年五月九日四年五月十三日五年五月
十三日八年三月九日九年五月十九日景祐元年三
月二十三日二年五月十三日寶元二年五月十五日
慶歷二年五月九日三年五月四日四年五月九日五
年四月一日六年五月一日九月七日七年三月八日
八年三月二十四日皇祐元年三月二十五日二年六
月二十八日五年五月二十八日四年三月十六日六
年正月二十六日嘉祐七年二月五日並同此制 七
年五月十五日御崇政殿錄在京諸司繫囚減原者四
十三人軍卒亡命限一月首露送所管依例原減至死
者奏裁仍詔今日已前諸處送列及已追未致諸色人

候勘到所犯情罪仰依踈決例斷訖奏聞有疑慮者奏
裁其逃走軍人更不刺面依舊收管及踈決已前軍人
犯死罪者並奏取旨 十年四月六日減降死罪原減
亡命軍卒同此制 明道二年五月十四日御崇政殿
錄在京諸司繫囚減重罪事輕罪仍詔踈決其前諸罪
人追逮未至須到吳欵進踈決施行若疑獄及死罪者
聽奏取旨 在籍逃亡能自歸若獲者更不刺面許還本
所 自後每踈決悉用此制 景祐二年五月十九日
御崇政殿錄在京諸司繫囚死罪從流流已下原之
七月二十五日帝已五月踈決罪人 有事發未追合該
降釋遂詔刑部應三京畿縣見禁罪人除劫謀故聞並

為已殺人者並十惡官典正枉法贓監主自盜偽造符
印放火依法外雜犯死罪並降從徒情理重及闕殺情
可闕者依減降決配五百里外牢城其餘流罪降徒杖
已下並放先是詔疑罪奏裁故始立為定法 四年五
月九日御崇政殿錄在京諸司繫囚帝謂宰臣王隨曰
今旦皇子誕生踈決固宜寬貸隨等拜賀是日死罪降
從流配嶺南牢城者五人流罪配近郡軍籍者五人徒
十三人杖笞三十一人並釋之 寶元二年四月二十
五日開封府言今後踈放前有罪人稱祖父告勅在外
及婦人稱有娠乞且送知在如無官告娠孕不與原免
從之 康定元年五月十一日詔以近降德音更不踈

決繫囚 二年五月九日御崇政殿錄在京諸司繫囚
流已下減一等杖已下原之 慶歷四年三月十四日
開封府言酸棗縣吏受賕拷掠平人事發而逃帝曰吏
人舞文受賕雖仲夏踈理勿以常例原之 皇祐五年
五月十三日御崇政殿錄在京諸司繫囚雜犯死罪已
下遞減一等徒已下釋之 至和元年正月二十五日
二年四月二十三日嘉祐元年四月二十三日二年二
月三日八月二十六日三年二月十二日閏十二月十
六日四年四月二十八日五年二月三日五月十九日
六年二月十二日六月十七日並同此制 嘉祐七年
五月八日詔自今踈決罪人以降指揮所至時刻為限

在編排後者每得以減論

英宗治平元年二月二十一

二日帝御崇政殿錄在京諸司繫囚雜犯死罪以下遞減一等杖已下釋之開殺情可閔者決配五百里外牢城彊劫罪至死者廣南牢城情理重者廣南遠惡州軍

二年二月十七日六月四日三年三月十四日六月

二十六日並同此制

治平四年四月十九日神宗即

位未改元上御崇政殿錄在京諸司繫囚雜犯死罪已下遞降一等杖已下釋之

熙寧元年三月二十八日

三年八月九日四年六月十三日五年四月五日六年七月十三日七年三月五日八年五月一日十年三月二十一日元豐元年三月七日四年四月十五日六年

五月十五日七年五月十四日並同此制 神宗熙寧

九年六月十五日上御崇政殿錄在京諸司繫囚除犯
謀殺鬪殺者並為已殺人者并十惡彊盜偽造符印放
火官負犯人已賊將校軍人公人犯枉法職監主自盜
賊並依法其餘犯死罪降從流流降從徒徒降從杖杖
已下並放內鬪殺情理輕者減一等并雜犯死罪情理
重者依所降決訖並刺面配千里外牢城斷訖錄衆聞
奏彊盜罪至死情理輕者減一等刺配本住處三千里
外牢城鬪封府界諸縣見禁罪人一依上項決指揮
到時以前應犯徒罪並降從杖杖罪已下只委本縣斷
放徒已下罪即解府依錄決施行 九月十一日詔開

封府該今年六月十五日踈決內見禁布孕婦人係杖
罪情輕者並釋之 元豐三年四月十七日審刑院刑
部言宣州民葉元有為同居兄亂其妻縊殺之又殺兄
子而彊其父與嫂為約契不訟於官鄰里發其事州為
上請上批同居兄亂其妻或彊或和既本無證左又罪
人今皆已死則二者周出於葉元一口不足以定罪然
以妻子之愛既罔其父又殺其兄繼戕其侄背逆天理
傷敗人倫宜以毆兄至死律論 哲宗元祐元年正月
十七日上御延和殿踈決在京繫囚除常赦所不原外
雜犯死罪已下降一等杖已下釋之 二年四月七日
六年六月一日並同此制 元符三年十二月九日徽

宗即已元民立詔皇太后服藥宜施恩宥以速康和御
崇政殿踈決在京見禁罪人 徽宗崇寧元年閏六月
八日上御崇政殿踈決罪人如故事 二年六月十五
日三年六月二十二日四年六月十二日五年六月十
二日大觀元年六月二十二日二年五月二日三年五
月十三日四年八月二十二日政和元年四月二十四
日二年五月七日三年五月六日五年五月十三日六
年六月八日八年六月十九日宣和元年五月二十七
日三年閏五月十五日四年五月二十九日五年五月
十八日六年五月二十六日七年六月十一日 並同
此制 高宗建炎二年六月十一日踈決行在揚州并

屬縣及行在大理寺御史臺殿前馬步三司見禁罪人
除犯劫殺謀殺故殺鬪殺並為已殺人者并十惡偽造
符印放火官竄犯人已贓將校軍人公人犯枉法贓盜
主自盜賊並依法其餘雜犯死罪降從流流罪降從徒
徒罪降從杖杖罪已下並放內鬪殺情理輕者減一等
并雜犯死罪情理重者依所降決訖並刺配千里外牢
城斷訖錄案聞奏強盜罪至死依所降決訖情理重者
刺配廣南遠惡處情理輕者刺配二千里外並牢城又
詔東京大理寺御史臺殿前馬步三司開封府京畿西
京南京北京及諸縣准此 三年七月三日行在疎決
建康府四年六月十一日紹興元年六月二十三日行

在疎決越州並同此制 紹興二年五月二十四日詔
今月二十五日疎決臨安府並屬縣及行在大理寺御
史臺殿前司馬軍司步軍司見禁罪人依例差官編排
引見大理寺御史臺宜差戶部侍郎黃叔教同管客省
四方館閣門公事劉公彥臨安府殿前司馬軍司步軍
司宜差工部侍郎韓肖胄同管客省四方館閣門公事
宋錢孫 二十五日上御後殿疎決臨安府并屬縣行
在諸司繫囚除犯四殺十惡偽造符印赦大官員犯人
已贓將校軍人公人犯枉法贓監主自盜贓並依法其
餘雜犯死罪通降一等杖罪已下釋之內闕殺情理輕
者減一等并雜犯死罪情理重者依所降決訖並刺配

千里外牢城斷訖錄按聞奏強盜罪至死依所降決訖
情理重者刺配廣南遠惡處情理輕者刺配二千里外
並牢城 三年六月二十四日四年六月二十五日五
年五月二十五日六年六月十六日七年六月二十二
日八年六月五日九年六月十三日十年閏六月二日
十一年六月五日十二年六月二十三日十三年五月
二十七日十四年六月二十六日十五年七月二日十
六年六月十六日十七年六月二十七日十八年六月
七日十九年六月十九日二十年七月四日二十一年
六月九日二十二年六月十九日二十三年六月十九
日二十四年六月十二日二十五年七月四日二十六

年六月二十四日二十七年六月九日二十八年六月
十四日二十九年閏六月二日三十年六月九日三十
一年六月二十五日三十二年六月四日並如此制
三年六月二十四日軍頭司引見踈罪人大理寺一火
一名臨安府五火三名杖罪並放 四年六月二十四
日詔今月二十五日踈決臨安府并屬縣及行大理寺
御史臺殿前司馬軍司見禁罪人依例差官編排引見
大理寺御史臺宜差戶部尚書黃叔教帶御器械楊沂
中臨安府殿前司馬軍司步軍司宜差吏部侍郎鄭滋
同館客省四方館閣門公事韓恕 二十五日軍頭司
引見大理寺臨安府踈決罪人有旨放 八年六月三

日臨安府勘到故知閣門事潘永思幹事人郭壽之私
用過錢物情節內壽之招認使過錢三千緡餘七人共
認各不下一二千緡上曰既無文約又別無照據必是
郭壽妄有通攤豈可抑勒招承可除壽之外餘並日下
放免趙鼎以下退而讚上之聰明曰此一事勝踈決多
矣蓋時方盛暑已釋初五日踈決故有是言 孝宗隆
興元年六月十九日上御後殿錄行在諸司繫囚雜犯
死罪已下遞降一等杖已下釋之隆興二年六月十六
日乾道元年六月一日二年六月七日並同此制 乾
道三年六月二十三日上海後殿引見踈決罪人尋有
旨引見例踈放四年五月二十八日上御後殿踈決罪

人如二十六月之制

六月七日上謂宰相曰朕前日

見踈決全是文具可具典故將來蔣芾奏曰祖宗朝皆人主自臨決囚徒不拘暑月至景德中盛暑臨決遂為定制上曰朕欲依祖宗故事先令有司具囚情款前數日進入朕親閱之可釋者釋之可罪者罪之庶不為虛文可降指揮今後並依祖宗典故 八日詔自今每歲踈決依祖宗典故預行差官前去御史臺大理寺臨安府殿前馬步軍司編叙繫囚定其罪目申尚書省進呈

七月二十七日詔陰雨未晴竊慮刑獄淹延有奸和氣御史臺大理寺差梁克家張說臨安府殿前馬步軍司差陳彌作康濟緝叙繫囚定其罪目申尚書省取旨點

定名件擇日引見臨軒審問決遣罪人 二十八日詔
臨軒處問決遣罪人編排引見官差汪大猷張說周滌
宋直溫其日俟進食後殿特坐引呈並依疎失罪人體
例施行 三十日上特御後殿臨軒引見決遣罪人餘
依今年五月之制 六年閏五月十日詔今歲疎決御
史臺大理寺差鄭聞張說臨安府殿前馬步軍司差王
拒宋鈞將見禁罪人編叙繫囚定其罪目申尚書省進
呈取旨擇日引見 十一日詔疎決罪人編排引見差
官汪大猷張說姚憲宋鈞 十四日上御崇政殿疎決
罪人依四年七月之制 七年六月五日詔今歲疎決
御史臺大理寺差葉衡宋鈞臨安府殿前馬步軍司差

司馬伋王抃將見禁罪人編叙繫囚定其罪目申尚書
進呈取旨降下擇日引見 七日詔踈決罪人編排引
見官差王祖宋鈞晁公武王抃 十一日宰臣虞允文
奏皇太子昨至臨臨安府引問公事內一二輕罪便可
踈決屬吏白之太子不許以臨軒踈決在近故也上曰
甚善 十四日上御後殿踈決罪人如六年閏五月之
制 八年四月詔今歲踈決御史臺大理寺差韓元吉
徐本中臨安府殿前馬步軍司差馬希言龍雲將見禁
罪人編叙繫囚定其罪目申尚書省進呈取旨降下擇
日引見 六月七日詔踈決罪人編排引見官差鄭聞
徐本中莫蒙十二日上御後殿踈決罪人如十年六月

省獄附

太祖建隆
二年起

之制 九年五月二十八日詔今歲踈決御史臺大理
寺差韓元吉王抃臨安府殿前馬步軍司差馬希言龍
霄將見禁罪人編叙繫囚定其罪目申尚書省進呈取
旨降下擇日引見 三十日詔踈決罪人編排引見官
差沈度龍霄 六月一日上御後殿踈決罪人如八年
之制 太祖建隆二年六月九日以旱詔東京管內見
禁罪人除惡逆不孝劫賊故殺放火官典受枉法賊不
放外其餘雜犯死罪除同情共犯頭首處死餘並減一
等配靈武流罪以下減三等杖罪已下並放所有不該
釋放罪人令開封府尹速與踈決其大名府滑衛漣鄆
濮齊相磁邢洺貝冀博鎮深趙易定祁滄德瀛莫推霸

州敕到日並依此處分 太宗太平興國九年六月八
日遣殿中侍御史李範等八人往兩浙淮南江南西川
廣南錄問刑獄先是登聞院引對婦人李氏自陳云無
兒息身且病恐一旦溘死家業委棄欲未死有所歸帝
因謂宰臣曰此婦人數日前朕已令開封府依所欲裁
置之今復來告訴稱其父已被繫矣此是小事何用禁
繫京輦之下尚敢如此天下至廣冤枉可知朕恨不能
遍闢天下獄訟新行決斷每見大理寺斷遣諸州刑獄
多為其中有小未盡即却之今國家封疆廣遠來往動
是五七千里再令勘覆轉是掩延今後宜令周細詳酌
如不干人命便與斷決不須重勘琪等曰謹奉詔即日

分遣使焉 雍熙二年八月一日詔曰朕以庶政之中
獄訟為切欽恤之意何嘗暫忘蓋郡縣至廣械繫者眾
苟有冤抑即傷至和今遣秘書丞崔維翰等六人分往
兩浙荆湖福建江南淮南逐路按問小事即決之大事
須證左者促行之仍廉察官吏勤惰以聞 四年正月
十六日詔曰庶務之中惟刑是恤苟獄訟有所枉抑則
和氣為損傷宜遣右補闕韓援等分往西川嶺南江浙
等路按問刑獄小事即決之大事趣令結絕事有可斷
而官吏故為稽緩者鞠其狀以聞官吏臨事彊明獄無
冤滯者亦以名聞當行旌賞見禁人內有命官并合該
申奏者具案以聞端拱二年四月四日遣殿中侍御史

劉升等八人分錄天下刑禁 五月十九日詔曰昨以炎熱在候聽覽餘閑控半盡出於繫囚軒陛躬行於斷決冀申淹滯罔憚勤勞載念方州實繁庶獄或官吏不明於詳讞則縲綬得無於冤沉是用特遣使臣就令踈決庶洽和平之氣貳昭欽恤之仁宜差朝官京官四十人分十四路往逐處點檢見禁罪人流罪已下如錄問無關違又非錢穀干繫者與本處知州軍通判等約法決遣不得淹滯刑禁 淳化元年四月五日以自春不雨選近臣分往諸處決刑獄 三年五月十六日以久旱分遣常參官乘傳往諸路決獄 帝以久愆時雨憂形於色謂宰相曰我旱滋甚朕懸禱精至並走神祇而

猶未獲膏澤者豈非四方刑獄冤濫郡縣吏不稱職朝廷政理有所缺乎是夕降雨尺餘翌日宰相以時雨應期相率拜賀帝曰朕孜孜求理視民如傷內省於心無所負矣而久愆時雨蓋陰陽之數非朕所憂朕所憂者在政化之未孚官吏之不稱職耳因切責宰相李昉等慙懼拜伏退上表待罪詔答之五年正月十六日遣京朝官十七人分詣諸州決遣刑獄因饑持伏刼奪藏粟止誅為首者餘悉減死論至道元年四月十九日詔曰朕撫臨區夏勤恤黎元每夙夜之惟寅庶昆蟲之咸遂而刑罰未措獄訟尚繁適當炎酷之時慮鬱和平之氣言念於此良深惕然分命使臣往申寬典俾無枉

橈稱朕意焉宜令常參官乘傳分往諸路與長吏同決
遣刑獄應惡逆四殺官典犯贓欠負官物見行催理不
赦外其劫盜止誅首惡余黨悉杖脊刺面本處牢城其
餘罪流以下遞降一等杖已下放所至決遣訖具刑名
事狀附疾置以聞時命侍御史元玘職方員外郎李範
戶部員外郎魏廷式都官員外郎孫紘比部員外郎直
昭文館勾中正虞部員外郎呂宏之太常博士直昭文
館席義叟太常博士李昭素春秋博士王柄太常丞劇
元吉殿中丞李居簡梁正馬表微著作郎李通微太子
中舍彭繪著作佐郎楊士元直史館趙况直集賢院趙
安仁大理寺丞張維樂世隆李承信等二十二人殿直

陳居典等十人三班奉職崔懿等十二人凡四十五人分往焉 真宗咸平元年二月五日詔曰朕欽承先訓嗣守鴻圖視民如傷惟刑是恤言念庶獄尚多繫囚或冤枉莫伸或滯淹未決感傷和氣莫甚斯凡爾庶僚各宜匪懈應在京禁囚已親踈決其西京諸路繫囚限勅到日長吏盡時決斷如有寃濫便與申理限三日內畢聞奏內追證未圓湏對歟者疾速結絕老幼疾患不任科責者流徒罪准律收贖杖已下並放若久折官物經赦未放者並具牋申奏當議除放禁囚無食者量破官米獄內掃洒潔淨供給水漿職官專切檢校枷杖輕重並湏一依令式不得踰越制度 四月一日以憊旱命

翰林學士宋湜王旦知制誥李若拙疎決三司御史臺
開封府繫囚詔曰朕道未方古德罔洽人致使度獄尚
繫五刑未措興言及此良用愧焉載念黎人陷于刑辟
或櫛楚之下痛急自誣或狴牢之中苦極誰訴感傷和
氣職此之由是用分命使車徧詣方郡申此納隍之意
咸予空囹之心宜遣常參官馳往諸路疎決刑獄 三
年十月二十三日命翰林學士王欽若知制誥梁灝為
西川峽路安撫使仍詔所至錄問繫囚除十惡至死官
典犯正枉法賊至殺人劫殺謀殺故殺鬪殺並為已殺
人不降外餘死罪徒流流已下逆降等杖已下釋之死
罪合該減降情理難恕者疾置以聞 四年二月十二

日詔曰去冬以來嘉雪未普今春將半膏澤尚愆農事
方興亢陽是懼編走郡望精祈上穹感應未聞祇畏良
切得非郡國之內獄訟滋彰狴牢之間縲繫淹久或傷
氣乃兆災氛是遣使車巡行諸路決其留滯務盡哀矜
宜今庫部員外郎程渥等乘驛分詣諸路踈理繫囚杖
已下並放內有公然淹緩刑獄之處具事以聞 六年
二月十九日遣朝臣使臣分往京東西淮南水災州軍
賑恤貧民踈理刑獄 六月八日詔陝西諸州踈理繫
囚 景德元年正月二十五日平虜城上言軍營遺火
焚居人廬舍甚衆遣閣門祗候謝德權乘驛至寧邊軍
會孫全照同往窮詰其故軍民謀剽財物者並按軍令

軍校不知情者決杖隸別州員僚直餘並論如律 八
月十六日詔曰江吳之分亢曠為災言念蒸民遘之艱
食致嬰法網或繫圜扉特命使車就加欽恤宜令戶部
判官李防直史館張知白關門祇候李守仁郭威乘驛
分詣江南東西踈理繫囚擬見禁罪人與長吏已下勘
問詰實情款限三日內依法斷遣若重罪照證未圓者
亦須催促了當民間有不便者事相度利害以聞名山
大川靈祠委長吏精虔祭醮 二十七日詔曰朕臨馭
寰區憂勤政理眷惟遠俗尤所注懷慮庶獄之稽留或
齊民之疾苦是用下詔踈決命使撫存特申欽恤之恩
以慰黎元之望宜令直史館何亮關門祇候康元乘驛

往廣南東西路踈理繫囚民間不便事與長吏實以聞
所至父老軍校犒勞撫問之 三年九月五日以淮南
秋旱民饑命轉運使踈理管內繫囚 二十六日詔給
事中董儼職方員外郎韓國華知開封府張雍同慮問
本府見禁罪人情理輕者即時決遣其連逮證勘者有
催督結絕無使留滯 時府獄禁囚二百餘人慮其決
斷淹延故也 十二月二十二日命鹽鐵判官馮亮直
史館陳堯佐閣門祇候高維忠侍其振分開封府界提
點刑獄 大中祥符二年五月十二日以陝西旱遣三
司鹽鐵判官楊可馳驛往踈決繫囚除罪至死及官典
犯贓外餘流罪已下遞降一等杖已下釋之雜犯死罪

情理可閔者奏裁 三年八月十八日以淮南旱詔轉
運提點刑獄官踈理繫囚並從減等民有盜粟食者量
事裁遣 七年六月五日詔曰齊民之刑惟舜猶恤導
揚善氣方屬於豐穰長養仁風適當於炎暑念縲紲或
有繫淹特示寬恩並從輕典除在京禁囚朕已親踈決
外宜令兩京諸路限勅到據見禁罪人除重刑外便仰
長吏躬親詳鞠情欵流罪降等決遣杖已下釋之官典
等不得一例減降管內縣分應係杖罪並就縣踈放天
禧三年八月十五日命開封府釋杖已下繫囚 五年
五月一日詔曰朕撫馭寰區憂勤旰食屬歌蒸之戒候
慮刑罰之滋寃是用祇率舊章親決庶獄雖浩穰之地

咸被於矜寬而溥率之間豈無於淹繫爰申誕告式洽
至仁應兩京諸路流罪降從徒杖杖已並_下放內十
惡五逆官典犯賊持杖行劫盜官物偽造符印放火等
罪不在此限 是日帝親踈決京師繫囚復下是詔

仁宗天聖十年三月二十七日詔曰江淮之間愆亢為
沴宜示從寬之典用蘇艱食之民昨命馬季良等體量
安撫候到災傷州索見禁囚與長吏訊問除死罪及情
理巨蠹亮惡為民患官典犯罪不以輕重並如法外自
餘徒流遞降一等杖已下並放雜死_已罪刑名疑慮情可
憫者具事驛奏 景祐二年五月二十四日詔逐路轉
運使副提點刑獄朝臣使臣分於轄下州軍踈決刑獄

二十七日中書門下言已差府界提舉朝臣使臣及臺官高若訥蕭定基等分逐縣踈決刑禁欲令因便密切體量逐縣昨經霖雨收刈不及夏麥并滄浸低下秋田分数其實以聞不得下司行遣引惹陳訴從之 六月二日中書門下言今年五月二十五日已降勅令應諸州軍縣等見禁繫罪人令轉運提刑司分頭踈理所 有路州軍奏取勅裁公案欲令法寺看詳如係五月二十五日已前事發並依今來踈理施行從之 七月二十五日詔以興國寺災見禁人更不根問並特放罪三京畿縣見禁罪人各差官減降踈決雜犯死罪降從流 流罪從徒杖已下並放 八月五日淮南轉運使言準

シキヲフナフニヤフニシ
二

詔往轄下州軍踈理見禁罪人其加役流已下徒役人
乞許依德音例踈理救詔應係今年五月二十五日以前
配到者並放逐便四年五月十三日詔在京已行踈決
其開封諸縣西京南京畿縣見禁罪人各差官踈決雜
犯死罪以下遞降一等杖已下放 康定元年六月十
一日詔三京踈決刑獄在京翰林學士王堯臣天章閣
待制宋祈西京侍御史趙及南京侍御史方偕開封府
界諸縣直史館張子臯集賢校理胡宿與提點縣鎮公
事官員分往踈理應雜犯死罪降從流徒罪降從杖杖
已下釋之 慶曆二年十月十四日詔冬至日近應在
京刑獄遣使趣令理決無使淹繫 三年五月四日帝

親錄繫囚命侍御史沈邈等分諸京畿及三京其諸路
委轉運使提點刑獄官親行踈決雜犯死罪已下遞降
一等杖已下釋之 四年六月二十二日詔天下刑禁
或多寃滯况當炎暑須行踈決其下三京諸踈委長吏
據見禁囚除十惡四殺強竊盜放火偽印官典正賊外
雜犯死罪情可閔者具案驛奏餘罪遞降一等至杖並
放侵損於人情難恕者各依本法科斷訖奏在京諸縣
令開封府依此施行無得出入人罪 五年四月一日
帝親錄繫囚雜犯死罪以下遞降一等杖已下釋之命
監察御史劉元瑜等往三京踈決 以司天監言四月
朔日太陽當食而陰晦不見故也 七年三月八日帝

輕者仍聽奏
歲八月一日
詔開封府畿
內及輔郡繫
囚雜犯死罪
已下遞降一等
杖已下釋之
殺
決可憫上

親錄繫囚詔天下雜犯死罪已下遞減一等杖以下釋
之以歲旱故也皇祐三年五月一日詔思冀等州旱其
令長吏精虔禱雨決繫囚無或淹滯仍令轉運司體量
今年夏稅以聞至和三年正月八日詔開封府畿內
及輔近郡繫雜犯死罪以下遞降一等杖已下釋之聞
殺情可憫者聽奏裁二日太平興國寺奉安祖宗神
御禮畢詔在京并輔郡見禁罪人除犯十惡四殺官典
正枉法贓監主自盜偽造符印放火不赦外其餘雜犯
死罪降從流流罪降從徒徒罪已下並放如聞殺情理
可憫者奏裁限較到日仰長吏已下當面決遣訖具事
狀以聞嘉祐元年八月二十六日詔開封府繫囚徒

罪降從杖杖已下釋之

二年二月三日帝親錄繫囚

雜犯死罪已下遞降一等杖已下釋之三京及輔郡仍

遣官踈決

三年閏十二月十六日帝親錄繫囚雜犯

死罪已下

遞降一等杖已下釋之及遣官踈決三京

六

年十一月十七日帝親錄繫囚如三年閏十二月之制

七年二月三日詔河北陝西京東京西淮南兩浙荆

湖北路災傷州軍就委官踈決

英宗治平元年三月

十一日帝親錄繫囚十惡四殺官典犯正枉法贓監主

自盜偽造符印放火論如法餘死罪降從流內情理重

及閭殺可憫者依降刺配五百里外牢城強盜當死亦

依降刺配廣南牢城情理重者配廣南遠惡州軍流降

從徒徒降從杖杖已下並放命權御史臺推直官向宗
道等三人踈決開剌府諸縣罪人 二年二月十七日
帝親錄繫囚除十惡四殺官典犯贓監主自盜偽造符
印放火外閫殺可憫及劫盜至死決訖剌配牢城餘犯
死罪徒各降一等杖已下釋之命權御史臺推直官張
公度郡牧判官裴煜踈決府界諸縣罪人京東西淮南
轉運使提點刑獄踈決災傷州軍罪人 六月四日帝
親錄在京繫囚除十惡四殺官典犯贓監主自盜偽造
符印放火不降餘罪降從流流從徒徒從杖杖已下放
餘罪情重及閫殺可憫者依降決配五百里外牢城強
盜罪死者廣南牢城情理重者廣南遠惡州軍命直集

賢院王廣淵秘閣校理錢藻與開府界提點疎決開封府諸縣罪人 三年三月十四日帝親錄在京繫囚除十惡四殺官典犯賊盜主自盜偽造符印放火不降餘罪死降從流流已下通降之降在流而情重及鬪殺可憫者依降決配五百里外牢城強劫盜罪死者沙門島流者廣南牢城杖已下放命尚書屯田郎中徐總館閣校勘劉瑾秘閣校理錢藻與開封府界提點分詣諸縣疎決 六月二十六日帝親錄在京繫囚除十惡四殺官典犯賊盜主自盜偽造符印放火依法外死罪降流情理重并鬪殺可憫者各刺配五百里外州軍牢城強竊盜罪死者配沙門島流者配廣南牢城餘罪通一等

杖已下釋之命都官郎中張公度屯田郎中范道卿與
開封府界提點分詣諸縣踈決 治平四年神宗即位

未改元四月十九日上親錄在京繫囚除十惡四殺官
典犯贓盜主自盜偽造符印放火依法施行外應雜犯
死罪並降從流內情理并鬪殺情理可憫者依減降決
訖各配五百里外牢城強劫該死賊人亦依減降決訖
配沙門島罪至流依減降刺配廣南牢城其餘流罪降
從徒徒罪降從杖杖罪已下並釋之仍命集賢校理劉
瑾孫洙往開封府界諸縣依在京指揮踈決 神宗熙
寧二年三月二十八日上親錄在京繫囚命官往諸縣
踈決 三年七月九日詔今後踈決或及府界三京仰

中書於初降德音日取旨仍與在京同日指揮限勅命到以前應犯罪人權住斷遣聽候指揮四京縣更不差官應犯杖罪并降從杖罪已下只委本縣依次日所降朝旨施行 九年五月十六日中書門下言在京左右軍巡院司錄司開封府祥符縣當此暑月應有刑獄淹延詔遣檢正中書刑房公事張安國計會當職官疾速結絕以聞自是歲著為例元豐元年三月七日詔諸路監司覺察巡按結絕刑獄毋令淹蔓 八日遣檢正中書吏房公事王陟臣檢正刑房公事范鎰同三司開封府吏了絕見禁獄疑者申中書樞密院 同知諫院黃履言近遣官禱雨令又降釋罪囚聞三司罪人七十餘

火而免者四開封府百餘人而免者五由二者推之則淹延未決者蓋多矣乞令隨其罪之輕重立限結絕庶乎被澤者衆矣 十二月四日詔開封府界提點司諸路監司分決繫囚內干照及事輕者先斷遣 二年六月三日命權御史臺推直官盛南仲權檢正中書刑房公事王修同催促結絕在京繫囚 三年四月十四日詔開封府界京東西河北陝西等路久苦旱災近雖霑潤未至優渥深慮刑獄或有冤留上干和氣可令諸路分委監司在京遣中書刑房檢正督遣囚 七年十一月八日中書言開封府大理寺禁繫甚苦詔令監察御史與刑部郎官速往點檢催促結絕 哲宗元祐元年

正月三日詔曰久憊時雪慮囚繫淹留在京委刑部郎中御史開封府畧令提點司諸路州軍令監司推促結絕 四月五日以久不雨詔疎決在京繫囚雜犯死罪以下遞降一等至杖釋之 十二日詔在京并開封府界諸縣見禁罪人內有根究未見本末或會問結絕未得者在京差左司諫王巖叟開封府界諸縣差監察御史孫升親往分視獄囚約法斷遣右諫議大夫孫覺言或有所在減降之恩雖出聖意然獄吏治囚根究未見本末或會問在遠州縣候事異議法始引減降得從輕坐臣以為在京左右軍巡司錄司乞差西制官一員畿內諸縣差諫官御史一員分視獄囚故有是詔 九月

十七日權知開封府謝景溫言明堂大赦乞差推官一員將帶人吏及法司一名與府界提刑分詣諸縣催促決遣該赦不合原免公事如內有久被禁繫根究未見本末正左在遠所犯該徒以正罪令申解赴府斷遣杖已下即一面結絕及乞今後每遇非次疎決并冬夏仲季月盛暑嚴寒在京差官催促結絕之時本府亦依此施行從之 二年六月十一日權知開封府錢勰言近制疎決朝廷差臺官催促諸縣禁囚慮諸縣懼見點檢以不圓公事便行申解遂差推判官將帶人吏及法司與府界提刑分詣諸縣催促決遣本府每遇非次疎決并盛暑嚴寒在京差官催促結絕畿內諸縣禁繫人數不

多近者朝廷添置提刑與提點司係監司兩員逐時巡按不容留滯今本府事多推判官每季差出委有妨闕欲請凡遇踈決如不差御史即本府輪官下縣如故從之 十一月二十八日詔以雪寒促決見囚 三年八月二十八日錄繫囚雜犯死罪已下遞降一等杖以下釋之開封府界及三京准此 四年三月二十二日踈決在京繫囚雜犯死罪以下遞降一等杖釋之以特雨稍愆也 二十七日詔諸路監司除近便州軍 躬親外餘各於轄下選官分詣諸州軍將見禁公事與當職官逐一躬親引問除死罪於法合聽旨及重傷守辜外餘並疾速斷訖以聞 五年二月十二日踈決四京府

罪諸縣繫囚除常赦所不原外雜犯死罪以下並降一
等杖以下釋之其後又詔踈決應天下州府軍監縣等
繫囚 六年六月十二日詔方盛夏慮刑獄淹繫除在
京府界諸縣已降踈決其諸路令監司除置司處及鄰
近州分詣外其餘州軍選官催促結絕事理輕者先次
斷放 紹聖元年四月八日^詔時雨稍愆慮刑獄淹繫在
京委刑部郎官及御史一員開封府界令提點刑獄諸
路令監司催促結繫囚事輕者先次斷放訖奏府界徒以下
罪人罪狀顯著不該配及申奏者雖小節不圓並決訖
以聞 十九日以特雨稍愆踈決四京并府界諸縣繫
囚如故事 十二月十一日詔允僊時雪慮刑獄淹延

在京委刑部郎官及御史一員開封府界并諸路州軍並
令監司按所部結絕內事理輕者先次決_道府界徒以
下罪人罪狀分明不該編配及申奏公事並斷訖以聞
三年五月十六日詔春夏以來雨澤以時二麥豐稔
尚慮刑獄滯留更宜深恤其諸路州縣委監司分詣逐
處催促結絕見禁公事 四年五月八日詔皇太妃近
嘗服藥及雨澤稍愆農田在望宜頒恩宥以導嘉祥疎
決應在京府界并三京及諸縣罪人 元符二年三月
二十六日詔稍愆時雨竊慮刑獄淹延枝蔓在京委刑
部郎中及御史一員開封府界令提點諸路關兩州軍
令監司催促結絕見禁罪人 四月十五日以時雨稍

巡疎決在京及河南應天大名府繫囚雜犯死罪以下
通降一等至杖釋之七月四日詔以盛暑在京令刑部
郎官開封府界令提點提舉司諸路令監司催促結絕
囚禁內干照人及事理輕者先次決遣 三年四月三
日詔諸路刑獄慮有淹延除四京已降德音外令諸路
監司分頭催促結絕見禁罪人內干照人及事理輕者
先次斷放如委有事故親到不通處即選官前去仍具
起發及每到處月日并事故囚依徑申尚書省如有疾
病之人即仰當職官常竊點檢醫治 徽宗建中靖國
元年四月二十九日中書省勘會正當時暑竊慮刑獄
淹延故蔓詔在京委刑部郎官及御史一員開封府界

令提點諸路州軍令監司分頭點檢催促結絕見禁罪
人內干照人及事理輕者先次斷決訖奏內府界徒以
下罪人罪狀分明不該編配及申奏公事或雖小節不
圖不礙大情并許一面決斷訖奏其府界及諸路監司
如委有事故親去未得即選官前去仍具每到處月日
事故因依徑申尚書省決自是歲著為例 崇寧二年
正月二十六日詔曰臣僚言天下圉圉見勅治者一百
四十餘事證違多者五七十人少者尚二三十人已
數千人矣而縣之獄不與焉窮冬沍寒重圍叢棘之
桁楊接摺之下獄無向隅而泣者慮傷陰陽之和朕甚
憫之令可監司乘驛郵限一月結絕仍具獄官姓名

推治事目報御史臺令具籍檢察 四年十一月十四

日朝秦郎前提點梓州路刑獄公事王峴劄子奏昨在
任每年承尚書刑部符承中書省勘當時暑竊慮刑獄
淹延枝蔓詔令諸路監司分頭點檢催促結絕見禁罪
人然川路遼遠比至勅命到日多是過時囹圄囚人實
未霑恩賜臣欲乞著為定令今後路分遠處更不候降
敕並令監司每年於六月中分頭催促結絕斷放仍具
所到州縣月日徑申尚書省檢察施行庶使遠人均霑
惠澤從之 大觀元年八月五日詔京司犴獄屢空四
方郡縣吏或以微文細故招擿追逮久繫不決甚非欽
恤之意可令監司分諸所部慮囚決獄其或淹延不治

留禁無辜即按劾以聞 政和二年七月二十二日臣
僚言諸路監司歲奉詔旨分部決獄而承例差官吏或
不虔徒為文具乞令監司每被旨決獄皆依當日親行
若計程旬日未周方聽差官從之 三年九月九日都
省言尚書刑部郎中錢歸善奏承勅節文正當時暑竊
慮刑獄淹延枝蔓在京委刑部郎中及御史一員分頭
點檢催促結絕見禁罪人內干照人及事理輕者先次
斷訖奏杖已下應禁者並與責保知在委本部員外郎
耿良能點檢催促大理寺等處節次具已結絕名件奏
聞外所有未了公事見行催促詔五月恤刑蓋當炎暑
朝廷所以示寬恕之政豈可稽留直至秋深尚未結絕

顯屬過期自今後仰所委官限一月結絕如取會未圓
見行推治公事自合依條施行 六年五月十四日詔
每歲大暑差官處因外路限四月在京限六月行下以
川廣路遠受命多後時故有是詔 七年二月二十五
日詔諸路監司每年分定州軍巡按決獄往往不徧民
無所訴令互察彈奏宣和六年四月四日臣僚言伏望
詔有司根究見今諸路被旨根勘未了公事最久者顯
絀一路以示慢令之戒自餘皆責近限趨令結絕詔見
禁勘公事如大情已正小節未圓並仰疾速結絕應干
證人並先次踈放仍令提點刑獄官躬親徧詣所部催
促其巡歷不徧去處選官前去不啻少有淹延刑禁

高宗建炎元年九月十九日兩浙福建路撫諭江端友
言比年以來州縣刑獄淹滯臣奉使兩路欲乞許臣所
至州縣依祖宗遣使法親閱獄訟或遣提刑司分詣本
路其大節已具小節未圓者約法從輕日下斷遣其雜
犯死罪有疑惑情理可憫須上請俟報者比緣盜賊未
平道路不通奏章未必得達兼朝廷多事或不以時行
下罪人久繫不幸瘦死則非上請本意亦乞酌情減降
一斷遣訖奏聞詔除張煥王璣外餘撫諭官准此 十一
月三日又言臣已遵依詔旨遍牒兩路州運不候臣及
提刑到州一面遵依聖旨施行去訖臣恐一過之後復
循舊弊欲望聖慈特令今日以後並依九月十九日已

得指揮候將來盜賊寧息通角通行即依舊法仍令提
刑司常切覺察有斷獄稽程淹久不決者依條勘劾詔
諸路依此 紹興元年九月五日詔越州見勘軍人黃
德等令刑部郎官躬親往彼取索公案詳審看問如情犯
別無齟異即依今來指揮斷遣如或情節可疑難便處
斷即具奏聞 先是越州勘到軍人黃德陸青周立徐
青傳青吳城百姓苗貴持杖劫盜前酒庫人員李成等
差出買柴船殺死四口各合家凌遲處斬所殺之人屍
不經驗疑慮奏裁既詔黃德依斷凌遲處斬周立陸青
苗貴並特處斬徐青傳青吳城並決重杖處死而又命
官錄問云 十月三十日詔致理之體先德後刑比來

早既太甚斯民整磬而望雲霓深可憫惻朕惟兢兢業祇畏祈禳未嘗敢自赦也竊慮刑法失當獄訟淹滯怨懟所由生而和氣消鑠多矣可令逐路憲臣限指揮到日日下躬親前去遍詣諸州縣刑獄催督結絕施行如違當議黜責 二年五月十三日詔霖雨不止諸處刑獄竊慮淹延行在委刑部郎官在外委提刑躬親催督結絕見禁公事具已結絕月日申尚書省 十二月十五日刑部侍郎章誼言近者分遣五使按行郡縣親加勅戒以刑獄為首務若將命之臣僅能察訟謀之繁詞按稽緩之小吏亦何足以仰副惻怛哀矜之惠哉欲望應制勘事自賊罪流罪與夫元降指揮具情犯申奏

外其餘徒杖而下自非重害不可貸捨悉許五使酌情
斷遣具按以聞庶幾使指所臨獄訟即決遠邇之民咸
被實德若分鎮去處四川路分望委帥臣監司限日結
絕詔令劄與諸路宣諭官其四川令宣撫制置使司分
鎮去處今鎮撫使各差官點檢結絕 三年七月十六
日詔浙東路及臨安府嚴秀等州久闕兩澤竊慮刑獄
淹滯仰兩浙路提刑躬詣所部州縣將見禁罪人事小
者監視決遣事大及合行追逮干照者疾速催促勾追
結絕如遐遠去處即仰選差通判幕職官分詣仍逐旋
具已施行次第申尚書省 既而右司諫唐輝言乞令
提點刑獄所到州縣不得憑案牘委胥吏湏一一親自

引問聽其言察其情無罪者即出之獄更高下嚴寔以
法庶幾冤枉獲伸感召和氣其所選官分詣者亦乞依
此從之仍先詣最未得雨去處決遣 二十二日詔大
理寺臨安府等刑獄已施行外諸州縣囚禁尚多其間
慮多冤枉淹繫令臨安府及諸州各遣彊明官分詣諸
縣檢察決遣 為久闕雨澤故有是詔 四年六月十
一日詔大理寺臨安府并錢塘仁和兩縣見禁公事委御
史臺官刑部郎官諸州縣刑禁委提點刑獄官并躬親
前去務察催促結絕如外邑遐遠去處令提刑司選差
官前去 五年正月一日刑部尚書張誼等言紹興四
年十二月二十五日手詔為正月朔日有蝕之講求闕

政察理冤獄等事本部檢會今來車駕駐蹕平江乞委
郎官一員詣本府應刑獄去處點檢見禁催督結絕施
行 五月二十四日宰執進呈蹕決上曰外路如何趙
鼎曰臣記得每年夏熱時令提刑司催決獄事自渡江
後不曾舉行上曰行在大理寺等處禁繫不多須行諸
路令無淹延刑禁度暑熱時不致罪人疾病於是下詔
正當時暑竊慮刑獄淹延枝蔓行在委刑部郎官及御
史一員臨安府屬縣并諸路州軍令監司分頭點檢催
促結絕見禁罪人內干照人及事理輕者先次決訖奏
臨安府屬縣徒已下罪事狀分明不該編配及合申奏
公事或雖小節不圓不礙大情並許本府一面決斷訖

奏杖以下應禁者並與責保知在徐行在外有事故不能親行即選官前去仍具每到處月日事故因依徑申尚書省自是歲著為例二十六年六月二十八日刑部尚書故交修言奉詔為六日已地震察冤繫禁苛擾等事欲乞差委本部郎官詣臨安府并仁和錢塘兩縣大理寺殿前馬步軍司點檢見禁催督結絕其諸路州縣及應有刑獄去處欲委逐路提點刑獄官檢察從之

七年七月二十九日詔已降指揮諸路州縣刑獄官司並令提刑躬親疾速催結絕見禁公事僻遠委官前去逐旋具已結絕過件數申尚書省仍令諸路提刑遵稟已降指揮恪意詳審即不得將不係僻遠去處一

例差官前去湏於旬申已結絕公事名件狀內具無冤
濫申尚書省以臣僚言乞申戒監司務在詳審故也

八年六月十八日詔曰近雨澤稍愆可令浙西提刑
躬親遍詣刑獄司官催促結絕見禁公事內僻遠州縣
不能周遍許委官前去諸路闕雨去處依此十一月
四日大理寺奏差官詣諸路結絕滯獄以廣南東西路
地遠乞就鄰路委官上曰二廣去朝廷遠民間冤滯無
所赴訴尤當欽恤正湏本寺官前去如江浙近地苟有
冤抑不憲不聞止令帥司選官時大臣咨嘆以思慮所
不及既而有旨廣南東路差薛倬西路差朱玦量帶推
獄前去將本路應見禁一年以上未結絕公事並行勘

結即不得因而却致枝蔓具刑寺應干合催結絕逐路
公事許長貳條具委付內有小節不圓不礙刑名公事
許隨宜結絕餘令逐官具盡一申尚書省 九年六月
二十五日詔以日近兩澤稍愆在行委刑部官及御史
各一員臨安府屬縣并諸路州軍令監司分頭點檢催
促結絕見禁罪人內干照人及事理輕者先次斷放臨
安府屬縣徒以下罪事狀分明不該編配及申奏公事
雖小節不圓不礙大情並許一面斷遣訖申奏杖以下
應禁者並責保知在如監司有故不能親行仰選官前
去內僻遠州縣即州委府臣縣委通判職官務在恪意
奉行毋致寬濫 十一年七月十九日詔早曠既久雨

未霑足已差官躬親前去決獄可丁寧告戒務要去淹
滯察非辜無或苟簡徒為文具其干連逮捕先令州縣
即時踈放無令愁嘆之聲致傷和氣十二年三月三日
詔以日近雨澤稍愆切慮刑獄淹延在內委刑部
監察御史在外委提點刑獄官躬親逐一慮問責限結
絕雖小節未圓不礙大情並免追逮或有冤濫即與申
理干連無罪人日下便行責放各且已檢察斷放過名
件聞奏二十九年三月四日詔自冬及春甚愆雨澤雖
躬省咎祈禱未應深慮內外有獄訟淹延失於詳平致
傷和氣可在內委刑部在外令提刑司躬至州縣索案
結絕 十三年正月十九日詔郴州見勘前知邕州俞

側

澹令大理寺選差寺丞一員前去疾速根勘結絕具案
奏聞的具見勘及回報官司的實違滯去處取旨湖
南北廣東西路見淹留公事仰一就取索催促勘結餘
路令刑部大理寺體做措置催促月具結絕名件及有
無淹延申尚書省以臣僚言僭在任日冒請選郡全
俸及路分鈐轄添支討賊二十四匹又上及侵欺朝廷買
馬錢元令象州根勘近因臺臣論列送湖南提刑司見
付郴州迄今三年未聞結絕緣邕管係僭舊治往往相
與圖救致無辜之人久此拘囚而巨賊未正典刑乞詰
其住滯之因故也十五年正月八日上前一日嘗宣
諭曰彗星見朕甚懼焉卿等可圖所以消弭之道秦檜

因奏上前太宗真宗朝嘗緣彗星踈決獄囚等事上曰
可且降詔以四事為主避殿減膳寬民力恤滯獄度幾
應天下以實不以文也於是內降詔曰太史奏彗出東
方朕甚懼焉已避殿減膳側躬省愆尚慮征科苛擾獄
繫淹延致傷和氣上千垂象可令逐路提點刑獄官躬
親詣所部決獄具已決遣未決遣及盡絕月日逐一以
聞應枝蔓干連人日下踈放仍準備朝廷遣官檢察其
其有貪酷官吏並仰按劾重行黜責續詔其行在刑獄
令刑部郎官監察御史躬親逐一決遣二十六年七月
九日詔太史奏彗出東方朕甚懼焉已避殿減膳側身
省愆尚慮刑獄寬濫官吏貪殘致傷和氣上千垂象諸

路提刑司官親詣所部州詳慮決愆將枝升連人日下
疎放務施實惠以盡應天之實 十二日內降制曰近
降手詔委逐路提點刑獄官躬親決獄逐一開具聞奏
仍日下疎放枝蔓干連之人尚慮不切奉行委御史臺
覺察按劾點責三省擇其尤稱職者取旨陞擢 二十
五年七月三日宰執進呈疎決文字上宣諭曰行在刑
獄皆已審克外路湏令憲臣因疎決旨揮下躬親詣州
縣檢斷庶無冤濫 二十八年四月二十七日三省言
每歲三伏內聖恩疎決慮囚其外路委官旨揮同時行
下緣川廣等路去朝廷遙遠旨揮到日已過盛夏竊慮
未稱矜恤之意伏觀政和六年五月十四日聖旨盛夏

點檢囚禁外路限四月下旬預行檢會欲乞依政和例
預於四月檢會行下有旨遵依施行越三日上復諭輔
臣曰踈決減降蓋念盛暑囚禁特施恩惠固當依政和
間旨揮施行至於慮囚乃是祖宗成憲似不當拘以時
月宜令有司各舉嘗職乃詔諸路州軍令提刑須於六
月初躬親前去點檢催促結絕見禁罪人內干照人及
事理輕者先次斷放如提刑關官仰監司躬親分頭前
去內僻遠州縣即州委守臣縣委通判職官其所委官
點檢催促過刑禁並仰本路監司復行檢察如斷放不
當減裂違滯即按劾聞奏 是年六月一日詔以東浙
東西係最近路分令邵大受徐康躬親遍詣逐州軍點

委提點刑獄
前往催促結
絕事理輕者
先次決斷臨
安府屬縣
潘徒已下上

檢催促仍依已降指揮不得多帶人從自是歲以為常
孝宗隆興元年四月三日詔霖雨為沴行在委監察
御史外路委監司守令催促見禁公事疾速結絕事理
輕者先次決放如有寬濫從實改正 二十三日詔每
歲盛暑合處囚徒諸路州郡委提刑於六月內遍詣所
部將見禁公事催促結絕事理輕者先次決放內僻遠
州縣即州委守臣縣委通判職官各具已施行事件申
尚書省自是歲著為例 六月十九日詔以時當盛暑
深慮囹圄淹延追逮枝蔓行在所委刑部郎官及御史
各一員臨安府屬縣徒已下罪一面斷遣自今歲著為
例 八月二十四日詔委監察御史一員親詣大理寺

及三衙臨安府并前塘仁和縣催促見禁公事疾連結
絕內事理輕者先次決斷如有寃濫從實改正 十一
月二十六日中書門下省言勘會當此雪寒竊慮刑獄
淹延深可矜憫詔委刑部郎官前詣大理寺臨安府并
錢塘仁和兩縣催促結絕二年三月十四日中書門下
省言外路州軍每歲盛暑慮囚四月下旬方檢會行下
竊慮二廣四川道路遙遠指揮到日亦已過時詔二廣
四川提刑於六月初親詣所部點檢結絕內僻遠州縣
即州委臣縣委判通職官各具已施行事件申尚書省
自是歲著為例 八月二十六日詔久雨未晴深株慮
刑獄淹延有奸和氣可令侍御史尹穡往大理寺臨安

府決遣 二十七日詔浙西江東霖雨害稼竊慮刑獄淹滯可令逐路提刑前往州縣決遣 乾道元年二月二十四日詔久雨未晴深慮刑獄淹延有奸和氣可令殿中侍御史章服往大理寺臨安府仁和錢塘兩縣兩浙東西路令提刑躬親詣所部州縣決遣 二年四月四日詔淫雨為冷宮及禾麥豈刑政失中以致咎歎可令侍從臺諫譴究所宜以聞其臨安府并諸路郡縣見禁刑獄立見結絕委官分詣檢察以稱朕寅畏之意 五日詔久雨未晴深慮刑獄淹延有傷和氣大理寺臨安府委臺官一員浙西州縣委憲臣往決遣 六月中書門下省言邇來淫雨為沴竊慮刑獄淹延雖委官決遣

尚恐未盡詔大理寺臨安府并三衛及浙西州縣見禁
罪人在內委刑部御史臺官在外州委守臣縣委通判
躬親就獄引問如大情已正內閣殺情理輕并雜犯死
罪至徒罪已上各減一等斷遣杖罪已下並放 九月
十二日詔温州諸邑近被水災已差環前往賑恤可就
令點檢本州并諸縣刑禁將杖罪以下先次疎放如有
冤抑從實改正 三年八月二十四日臣寮言積陰久
雨尚未晴霽深恐州縣之間刑禁淹延欲望特降睿旨
在內委郎官在外委提刑檢察兩浙州郡刑獄決遣滯
囚從之 五年十二月十七日詔以雨雪愆期竊慮刑
獄淹延追逮校蔓行在所委刑部郎官臨安府屬縣委

本府通判各一員躬親點檢疾速結絕仍各具決斷名
件申尚書省 六年閏五月四日詔以久雨未晴深慮
刑獄淹延有傷和氣大理寺臨安府并屬縣三衛見禁
罪人在內委刑部郎官在外委通判躬親決遣具已斷
名件申尚書省 八年六月九日中書門下省言行在
三衛見禁罪人已降指揮疎決其馬軍行司見在建康
屯戍理合一體施行詔委戶部郎官准西總領滕廢躬
親前往決遣 淳熙元年十月九日詔陰雨未已大理
寺臨安府并屬縣三衛及諸路州縣見禁罪人杖罪已
下並放在內委臺官在外委提刑決遣 二年六月三
年八月十月四年十月皆以久雨並同此制 五年五

月八日詔浙西常州鎮江府及淮南江東西州郡有稍
愆兩澤去處竊慮刑禁淹延逐路見禁罪人各委提刑
決遣杖已下罪並放 十六年四月八日中書門下省
言外路州軍每歲盛暑慮囚除二廣四川已降指揮外
詔餘路州軍令提刑須管於五月下旬躬親前去點檢
催促結絕見禁罪人內干照人及事理輕者先次斷放
如提刑闕官仰監司躬親分頭前去內僻遠州縣即州
委守臣縣委判通職官躬親分頭點檢催促應所委官
各具所到及點檢日時已施行事件申尚書省其守倅
等點檢催促過刑禁並仰本路監司復行檢察如減裂
違滯按劾奏聞務在恪意奉行不致寬濫如奉行不虔

令御史臺覺察彈劾自是歲以爲例閏五月二十四日
詔馬軍行司見在建康屯戍所有見禁罪人並依行在
疎決減降仍委淮西總領躬親前去決遣自是歲以爲
例二十六日中書門下省言正當時暑深慮囚圍淹延
及追逮枝蔓理合催促結絕除諸路州軍已降指揮委
官點外詔行在委刑部郎官及御史各一員臨安府屬
縣令提刑躬親前去點檢結絕見禁人內干照及事理
輕者先次斷放徒已下罪事狀分明不應編配及申奏
公事雖小節不圓不礙大情並許一面斷遣訖申奏杖
以下應禁者並責保知在如提刑已往別州處囚或關
官即令漕臣一員前去各其所處點檢日時已施行訖

事件申尚書省務在恪意奉行不致寬濫如奉行不度
令御史臺覺察彈劾自是歲以爲例九月十九日詔陰
雨未晴竊慮刑獄或有淹延去處大理寺臨安府并屬
縣三衙及兩浙諸路州縣見禁罪人在內委臺官在外
委提刑躬親即時前去如路遠去處分委通判檢察決
遣內杖罪已下并干繫等人並日下踈放應臨安府并
屬縣見監追贓賞錢及轉廩號令之人可並日下免追
釋放淳熙元年十月四日前知柳州趙彥禮言伏觀指
揮每歲盛夏慮囚專委提刑如提刑闕官仰監司分頭
前去此良法也臣謂提刑之職固當慮原字且以廣西一
路論之所管二十五州一兩月安能徧歷孰若令監司

分詣無問提刑闕與不闕然指揮內既令監司躬親又
謂內僻遠州縣即委守臣縣委通判職官臣恐監司畏
暑重出者假此為自便之計雖置司之鄰州近縣或指
為僻遠恣委之守倖職矣官夫州縣之獄正恐州縣官
吏不時點檢結絕致有冤滯故委監司親慮不惟可使
官吏知畏不敢淹留而禁囚冤枉亦得自伸若復委之
守倖職官則其間徒有慮囚之名而無實者多矣乞戒
飭監司每歲各隨置司去處地里遠近分詣所部州軍
點檢催促結絕見禁罪人限五月下旬起發至七月十
五日以前巡徧如屬縣非監司巡歷經由之路即從監
司委官前去仍各開具所過州縣月日慮囚名件關白

提刑司類申朝廷並不許妄以近便州縣指為僻遠分

委守僻職官庶幾因^舊之法不為文具從之 七月十四

日詔近日雨澤稍愆竊慮刑獄淹延大理寺臨安府并

屬縣三衙及諸路關兩州縣應見禁罪人在內委臺官

在外令提刑委官躬親即時前去檢察決遣內杖罪已

下并干繫等人並日下踈放仍將已斷放過名件逐一

開具聞奏應申奏按狀督責疾速依條施行毋致違戾

紹熙元年十一月二十七日臣僚言縣獄之設縣官

任其責小則決遣大則申所屬州郡非徒文具而已比

年以來士大夫寓居多以外邑為便縣官甫下車則先

詔問權要聲援往往循習諂媚互相交結其為權要聲

援者因縣官之見知遂假此以恐嚇齊民或以私忿未
決債息未償輒將小民拘送縣獄縣官方承奉之不暇
乃俾老胥猾吏鍛鍊追考有一人抵罪或至一戶蕩產
甚者根連逮捕以決權門之獄雖其事可以立譏判者
亦必拘囚月餘如此則小民被虐者若何而申訴乞行
下諸郡屬縣嚴行戒約應小民有不因詞訟而輒相寄
獄郡守監司不行覺察許經臺省陳訴從之 五年四

月十一日詔兩澤稍愆竊慮刑獄淹延差官檢察決遣
二十一日中書門下省言近日稍闕兩澤竊慮刑獄
淹延除大理寺臨安府并屬縣三衙及兩浙路州縣已
降指揮委官決遣外尚慮江東西兩淮州縣亦有闕

雨去處詔江東西兩淮路提刑躬親即時前去將見禁
罪人檢察決遣內杖罪以下并干繫等人並日下踈放
如路遠去處分委通判仍將已斷放過名件逐一開具
聞奏應申奏案督責疾速依條施行毋致違戾 慶元
元年二月七日詔陰雨未晴有妨二麥竊恐刑獄淹延
感傷和氣大理寺臨安府并屬縣三衙及兩浙諸路州
縣見禁罪人在內委臺官在外委提刑躬親即時前去
如路遠去處分委通判檢察決遣內杖罪以下并干繫
等人並日下踈放仍將已斷放過名件逐一開具聞奏
其諸處申奏案狀督責疾速依條施行毋致違戾 三
月十七日勘會四川二廣州軍每歲盛夏虛囚詔令逐

路監司各隨置司去處遠近分詣所部州軍限五月下
旬起發躬親前去催促結絕見禁罪人內干照人及事
理輕者先次斷放至七月十五日以前巡遍如屬縣非
監司巡歷之路委官躬親分頭前去點檢催促並仰本
路監司復行檢察自是歲以爲例四月十三日勘會外
路州軍每歲歲暑慮因除二廣四川已降旨揮外詔餘
路州軍令監司依已降旨揮各隨置司去處地里遠近
詣所部州軍限五月下旬起發躬親前去點檢催促結
絕見禁罪人內干照人及事理輕者先次斷放至七月
十五日以前巡遍如屬縣非監司巡歷經由之處即令
監司委官躬親分頭前去點檢催促各具所到及點檢

日時已施行事件關牒提刑司類聚申尚書省內所委
官點檢催促過刑禁並仰本路監司後行檢察如減裂
違滯按劾聞奏或奉行不虔令御史臺覺察彈劾自是
歲以為例六月十二日都省勘會正當時暑深慮圉圉
淹延追逮枝蔓理合催促結絕詔行在委刑部郎官及
御史一員臨安府屬縣令提刑躬親前去點檢催促結
絕事理輕者先次斷放臨安府屬縣徒以下罪事狀分
明不應歸配及申奏公事雖小節不圓不礙大情並詣
一面斷訖申奏杖以下應禁者並責保知在如提刑
已往別州慮囚或關官即令漕臣一員前去各具所到
及點檢日時已施行訖事件申尚書省知奉行不虔令

御史臺覺察聞奏自是歲以爲例二十六日詔爲軍行
司見在建康府屯戍理宜一體並依行在疎決減降仍
委淮西總領躬親前去決遣自是歲以爲例十二月八
日詔時雪未降見行祈禱竊慮刑獄淹延致傷和氣大
理寺臨安府屬縣三衙及兩浙路諸州縣見禁罪人在
內委臺官在外委提刑躬親即時前去檢察決遣內杖
罪以下并干繫等人並日下疎決 四年八月二日詔
陰雨未晴見行祈禱令大理寺臨安府并屬縣三衙各
委長官日下躬親檢察決遣除繫人干繫人外並與疎
放 開禧二年三月十六日殿中侍御史徐榘言近年
以來州縣官吏以獄爲市大辟之干連強盜之證對纒

繫充斥非法緝訊任意鍛鍊極其慘酷每遇提刑巡歷
責寄廂保及監司出境而囚繫如初盛夏之月恐其蒸
鬱故分遣踈決至於隆冬寒凍其苦甚於盛夏良由監
司雖於五月巡歷所部平遣囚徒殆與一時經過無異
足跡未嘗一登獄門囚徒未嘗引問案牘未嘗閱視非
法收禁者未嘗根究赴訴責保者未嘗受理宜乎州縣
得以揣摩罔知畏憚乞令監司每歲十月下旬躬詣巡
歷踈決一遵盛夏五月下旬慮囚之法從之 九月十
七日詔四川二廣州軍令逐路監司依每歲所降盛暑
慮囚指揮各隨置司去處地里遠近分詣所部州軍限
十一月下旬起發躬親前去點檢催促結絕事理輕者

先次斷放至來年正月十五日以前巡遍如屬縣非監
司經由之路卽令監司委官躬親分頭前去點檢催促
各具所到及點檢日時已施行事件開牒提刑司類聚
申尚書省內所委官點檢催促過刑禁並仰本路監司
復行檢察如戒裂遺滯按劾聞奏或奉行不虔令御史
臺覺察彈劾餘路州軍亦同此制每歲如之嘉定五年
六月二十日臣僚言 祖宗立國以恤刑爲急務每遇
祈寒隆暑必令提刑司分委官於所部州縣處囚臣觀
廣右州郡多號瘴鄉司臬事者憚於衝寒冒暑深入煙
嵐所委之官非州之倅則簽與推也然廣右州軍有倅
者未一二而所委職官間有癘者補攝之人每得臺檄

更不起發必遲之數月而後至或有違命托故而規圖
改差者為囚徒者將何以赴愬乞刑下本路提刑司凡
有慮囚決獄如躬親所不及必精擇所委務得其人無
使癯老補攝之人得以淹囚留獄從之 六年七月十
八日臣僚言乞行下諸路提刑每遇諸郡踈決先令兵
官責實土牢見禁人數或不測於未決獄之前躬至土
牢閱視之其有不應拘繫以至死者許其戚屬陳告守
與兵官皆當生罪每委官下縣決獄亦先令尉司吏級
審責有無拘繫平民有非法拘繫者許人告首痛懲一
二以革其害使斯民無抑扼誣告之患從之 十四年
六月十七日臣僚言今後遇暑慮囚命所差官將臨安

府三獄見禁公事除情理深重常例所不得原者自合聽候依法施行其餘各隨輕重盡行編排減降決遣大理寺三衙兩赤縣並照應一體斷決其今年斷遣未盡者截自未降停決指揮以前行下所屬催促速與減降裁斷庶縲紲之囚亟拜實惠從之 七月十五日白劄子言刑部見催促諸路累翻積年未決之獄共四十六件其間有係八年九年公事今來已經涉七年尚未了絕兼諸路翻異公事徑行移勘不曾申上者又不知其幾淹延刑禁追逮干連旁及無辜或有死亡者皆因頑囚避罪妄翻及有元勘失實遂致興獄不已乞朝廷照淳熙十四年及紹熙四年已降指揮令諸路提刑躬親

將翻異之獄與逐州守臣臨安府即令兩浙運司同守
臣更切從公審勘如罪人情狀明白別無可疑委係避
罪妄翻即照刑寺已定斷得旨事理施行若見得前勘
有未盡情節委涉冤抑可疑及未經刑寺定斷並仰具
奏取旨施行其元勘失當官更並與免一案推結收坐
一次庶幾治獄一清從之